

Служба священномученику Порфирию Колосовскому, пресвитеру (27 ноября н.ст.)

На Господи, воззвах: стихиры, глас 1.

Прехвальне священномучениче Порфирие,/ ты ни темница изнурила
есть,/ ни глад уморил,/ ни озлобления и раны смятоша,/ во еже разлучити
тя от любви Божия/ и благодарованныя паствы./ Темже Христу, святе,
молися/ даровати Церкви нашей// мир и велию милость.

Всехвальне священномучениче Порфирие,/ от братьей по плоти
страдания до крове претерпевая,/ в себе помышлял еси,/ яко Господа
ради умерщвляеми есмы/ и несть наша брань противу плоти и крови,/ но
к миродержителю тьмы века сего./ Темже Христу, святе, молися,
даровати земли нашей// мир и велию милость.

Преславне священномучениче Порфирие,/ ты жертву безкровную/
первее благоговейне совершая,/ послежде, яко всеплодие,/ себе самого в
жертву живую принесл еси,/ моля, да простится грех богоборчества
народа нашего./ И ныне Христу, святе, молися/ даровати людем
российским// мир и велию милость.

Слава, глас тойже:

Церкве Россійския славо/ и Отечества нашего украшение,/
священномучениче Порфирие,/ властью, от Бога тебе данною,/ ругатели
безбожные обличал еси,/ и, яко волки лютыя, от стада твоего отгнал еси/
и диавола посрамил еси,/ кровь же твоя, яко Авелева,/ от земли нашея
вопиет немолчно./ Сего ради ходатай на Небеси о нас верен буди// и моли
спастися душам нашим.

И ныне, Богородичен: Всемирную славу:

Вход. Прокимен дне. И чтения три.

Деяний святых апостол чтение (глава 4):

Во дни оны, глаголющим же апостолом к людем,/ найдоша на них
священники и воевода церковный, и саддукеи,/ жалеюще си, за еже учити
им люди и возвещати о Иисусе воскресение мертвых;/ и возложивша на
них руки и положивша их в соблюдение до утра:/ бе бо вечер уже./
Мнози же от слышавших слово вероваша:/ и бысть число мужей яко

ты́сящъ пѣть./ Бысть же наутрие собратися княземъ ихъ, и старцемъ, и книжникомъ во Иерусалимъ:/ и Анне архиереемъ, и Каиафе, и Иоанну, и Александру,/ и елици бѣша отъ рода архиерейска./ И, поставльше ихъ посреде, вопрошаху:/ кою силою, или коимъ именемъ сотвористе сие вы?/ Тогда Петръ, исполнивъ Духа Свята, рече къ нимъ:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чемъ сей спасеся,/ разумно буди всемъ вамъ и всемъ людемъ Израилевымъ,/ яко во имя Иисуса Христа Назорея,/ Егоже вы распясте,/ Егоже Богъ воскресилъ отъ мертвыхъ,/ о семъ сей стоитъ предъ вами здравъ./ Сей есть камень, укоренный отъ васъ, зыждущихъ,/ бывый во главу угла,/ и несть ни о единомъ же иномъ спасения;/ несть бо иного имени подъ небесемъ, даннаго въ человецехъ,/ о немъже подобаетъ спастися намъ.

Деяний святыхъ апостолъ чтеніе (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же ихъ, яко со Иисусомъ бѣста;/ видяще же исцелѣвшаго человека съ нимъ стояща,/ ничтоже имяху противу рещи./ Повелевше же има вонъ изъ сонмища изыти,/ стязавшася ко другъ другу, глаголюще:/ что сотворимъ человека сима?/ Яко убо нарочитое знамение бысть има,/ всемъ живущимъ во Иерусалимѣ яве,/ и не можемъ отрещися;/ но да не болѣе прострѣтся въ людехъ,/ прещениемъ да запретимъ има кому не глаголати о имени семъ ни единому отъ человекъ./ И призавше ихъ,/ заповѣдаша има отнюдь не провещавати, ниже учити о имени Иисусове./ Петръ же и Иоаннъ, отвѣщавше къ нимъ, рѣста:/ аще праведно есть предъ Богомъ/ васъ послушати паче, нежели Бога?/ Судите: не можемъ бо мы, яже видехомъ и слышахомъ, не глаголати./ Они же, призапрещше има, пустиша я,/ ничтоже обрѣтше, како мучити ихъ, людей ради,/ яко вси прославляху Бога о бывшемъ:/ летъ бо бѣше множае сорокъ человекъ той,/ на немъже бысть чудо сие исцеления.

Деяний святыхъ апостолъ чтеніе (глава 4):

Во дни оны, отпущена бывша апостола приидоста ко своимъ и возвестиста,/ елика к нимъ архиереи и старцы рѣша./ Они же, слышавше, единодушно воздвигоша гласъ къ Богу и рекоша:/ Владыко, Ты, Боже, сотворивый небо и землю и море и вся, яже въ нихъ,/ Иже усты Давида, отрока Твоего, рече:/ вскую шатахася языцы и людие поучишася

тщётным?/ Предста́ша ца́рие зёмстии,/ и кня́зи собра́шася вку́пе на Го́спода и на Христа́ Его́./ Собра́шася бо вои́стину во гра́де сем на свята́го О́трока Твоего́ Иису́са,/ Его́же пома́зал еси́,/ Ёрод же и Понти́йский Пила́т, с язы́ки и людьми́ израи́левыми,/ сотвори́ти, ели́ка рука́ Твоя́ и сове́т Твой предна́рече́ быти./ И ны́не, Го́споди, при́зри на преще́ния их/ и даждь рабо́м Твои́м со вся́ким дерзнове́нием глаго́лати сло́во Твое́,/ внегда́ ру́ку Твою́ простре́ти Ти во исцеле́ния,/ и зна́мением и чуде́сем быва́ти и́менем святы́м О́трока Твоего́ Иису́са./ И помоли́вшимся им, подви́жеся ме́сто, иде́же бя́ху со́брани,/ и испо́лнишася вси Ду́ха Свя́та,/ и глаго́лаху сло́во Бо́жие со дерзнове́нием.

На стиховне стихиры, глас 6.

Столп непоколебимый Ру́сския Цёркве был еси́,/ гонёния лю́тая претерпева́я,/ день и ночь в моли́тве подви́зался еси́,/ священномучени́че Порфи́рие,/ огнём ре́вности и ду́хом кро́тости/ па́ству твою́ ко Христу́ путево́дя,// тем тя любóвию почита́ем.

Стих: Священницы Твоя́ облеку́тся в правду// и преподо́бнии Твой возра́дуются.

Ве́рен Бо́гу и Цёркви был еси́ да́же до сме́рти,/ священномучени́че Порфи́рие,/ ны́не же, с ли́ки новомучени́ков Росси́йских/ предсто́я Христу́ Царю́,/ моли́ся с ни́ми приле́жно/ дарова́ти нам мир// и ве́лию ми́лость.

Стих: Честна́ пред Го́сподем// смерть преподо́бных Его́.

Душе́вная и теле́сная страда́ния твоя́/ и сме́рть за Го́спода во́льная от безбо́жных/ отверзо́ша ти, свя́те Порфи́рие,/ врата́ жи́зни ве́чныя/ и укрепи́ша бра́тий твои́х испове́дати Христа́./ Те́мже Ему́ моли́ся при́сно,// да утверди́тся Правосла́вие на Руси́ во ве́ки.

Сла́ва, глас 4:

А́нгели страда́нием твои́м дивля́хуся,/ и Цёрковь Небе́сная ра́достно тя при́ят,/ достохва́льне Порфи́рие./ Ны́не же, священнеи ру́це твой/ к Престо́лу Святы́я Тро́ицы протира́я,/ помина́й зе́млю Ру́сскую,/ ю́же возлюбил еси́,// моля́ о спасе́нии сла́вящих тя благоче́стно.

И ныне, Богородичен, глас тойже:

Прїзри на молѣния Твоѣх рабъ, Всенепорѣчная,/ и всякія скорби избави зѣмлю Рѹсскую,/ дѡм Твой наречѣнную/ и кровью новомѹченик освященную./ Да не постыдимся, Владычице Державная,/ Тя призывающии,/ Ты бо еси православных поможь,/ радость и покров// и спасѣние душ наших.

Тропарь, глас 3:

Цѣркве Рѹсскія столпе непоколебимый,/ благочестія правило,/ житія евангельскаго образе,/ священномѹчениче Порфирие,/ Христа ради пострадавый даже до крове,/ Егѡже моли усердно,/ яко Начальника и Совершителя спасѣния,/ Русь Святѹю утвердѣти в Православии// до скончания вѣка.

НА УТРЕНИ

По стихословии седален, глас 6:

Сквозѣ огонь мучѣния, яко свидѣтель вѣрный, прошѣл еси,/ блаженне Порфирие,/ сего ради с лики святых земли Рѹсскія/ в Небѣснем Отѣчествѣ торжествѹеши./ Помози и нам бѣти вѣрным Христу и спастися душам нашим.

Слава, и ныне, Богородичен:

О Всепѣтая Дѣво,/ Тя вѣмы Покров земли Рѹсскія,/ Тебѣ бо, грѣшнии, имамы предстательство,/ Тебѣ стяжанием в напастех спасѣние,/ Едину Всенепорѣчную.

Величание:

Величаем тя,/ священномѹчениче Порфирие,/ и чтим честная страдания твоя,/ яже за Христа во утверждение на Руси Православия// претерпѣл еси.

Псалом избранный:

1-й лик: Бог нам Прибежище и Сила.

2-й лик: Господи, воздвигни силу Твою и прииди, во еже спасти ны.

1-й лик: Глаголах о свидѣніях Твоих пред царі и не стыдѣхся.

По полиелѣи седáлен, глас 1:

Дóблйи страдáльче и служíтелю Тáин Бóжиих,/ священномúчениче Порфирие,/ Цérкве Рýсскія похвалó и утверждéние,/ нýне, прáзднующе твою пáмять,/ Бóгу, прослáвльшему тя, благодарственно вопиém:/ слáва Дáвшему ти крéпость во страдáниих,/ слáва Венчáвшему тя,/ слáва Спасáющему нас твоими молíтвами.

Слáва, и нýне, Богорóдичен:

Предстáтельница тéплая и Застúпнице усérдная,/ в годíну безбóжия от конéчныя погíбели/ зéмлю Рýсскую избáвльшая всемо́щным ходáтайством к Сыну Твоемý,/ и нýне не остáви нас молíтвами Твоими, Влады́чице Богорóдице.

Степéнна, 1-й антифóн 4-го глáса. **Прокíмен, глас 4: Пройдóхом сквозé огонь и вóду,// и извёл есí ны в покóй.** Стих: Разжéгл ны есí, я́коже разжизáется сребрó. Всякое дыхáние: Евáнгелие от Матфея, зачáло 36.

По 50-м псалмé стихíра, глас 6:

Егдá попусти́ Госпóдь по грехóм нáшим/ братоубíйство, гонéния и вéры Христóвы поругáние,/ ты, священномúчениче Порфирие,/ Цérкве Россíйскія столп непоколебíмый явíлся есí/ и, кровь свою́ за Христа́ проли́яв,/ пáству во едíнстве соблю́л есí./ Нýне же, на Небесí предстоя́ с лíки новомúчеников,// моли́ спастíся душáм нáшим.

Канóн, глас 4.

Песнь 1

Ирмóс: Мóря чермнóю пучíну/ невлáжными стопáми/ дрéвний пешешéствовав Израíль,/ крестообráзными Моисéовыми рукáми// Амалíкову сíлу в пустýни победíл есть.

Вóли Бóжией послушлív быв,/ священства дар при́ял есí, священномúчениче Порфирие,/ и, за Христа́ дáже до смérти пострадáв,/ вёрный сын Цérкве явíлся есí.

Изгнание и разлучение с паствою твоєю мужественно претерпел еси, священномучениче Порфирие,/ но ничтоже возможно разлучити тя от любви Божия.

Безбоязненно проповедовал еси людям покаяние, священномучениче Порфирие,/ да обратят сердца своя к Богу/ и только на Него в скорбех и лишениях упование имеют.

Богородичен: Мати Божия,/ дом Твой, Святая Русь, молит Тя:/ избави люди Твоя от всякия нужды и вечнаго осуждения.

Песнь 3

Ирмос: Веселится о Тебе Церковь Твоя, Христе, зовущи:/ Ты моя крепость, Господи,// и прибежище, и утверждение.

Егда прииде испытание веры твоея, священномучениче Порфирие,/ страдание за Христа, яко благодатный дар, принял еси/ и кровию твоєю Русскую землю обогатил еси.

Егда прииде гонение от безбожных,/ столп непоколебим Русския Церкви явился еси, священномучениче Порфирие,/ святых, яко ближних родник, в помощь призывая,/ с нимиже купно ныне прославляешься.

Аще и умерщвлен был еси телом, священномучениче Порфирие,/ обаче духом козни диавольския посрамил еси,/ имея Христа прибежище и утверждение.

Богородичен: Тя Предстательницу, Пречистая Дево, молим:/ преложь нашу печаль на радость и скорбилежащая избави, Заступнице наша.

Седален, глас 3:

Заветы исповедников и священномучеников Христовых восприем,/ душу твою за веру Православную положил еси, святе,/ еюже утверждается земля Русская./ Сего ради молися, священномучениче Порфирие,/ любовью чтущим тя верным Христу до конца быти.

Слава, и ныне, Богородичен:

Не имамы иного прибежища, разве Тебе, Богородице,/ Отчества нашего усердная Заступнице:/ всяк бо, почитая Тя, надежду обретает.

Песнь 4

Ирмós: Вознесéна Тя вíдевши Цёрковь на Крестé,/ Сóлнце Прáведное,/ ста в чíне своём,/ достóйно взыва́ющи:// сла́ва сíле Твоéй, Го́споди.

Да не дерза́ют язы́цы рещí: где есть Бог ваш?/ Кровь бо новомúчеников от землí на́шея вопиёт:/ Го́споди, Госпо́дь наш, я́ко чу́дно íмя Твоё по всей Рýсстей землí.

Íмже о́бразом жела́ет елénь на исто́чники воднýя,/ сíце ты, страсотéрпче Порфирие, к живонóсным страда́нием за Христа́ прите́кл есí,/ íмиже прíсно свящённо обновляется лице́ землí Рýсския.

Вся земна́я ни во что вменíв Христа́ ра́ди,/ сло́вом и житиём, священномúчениче Порфирие, вёрных поучáл есí:/ о Бо́зе сотворím сíлу,/ и Той уничижít стужа́ющия нам.

Богорóдичен: Стенá необорíмая и Покрóв всемо́щный Росси́йским новомúчеником яв́илася есí, Пресвята́я Дéво,/ тёмже Тя велича́ем.

Песнь 5

Ирмós: Ты, Го́споди мой,/ Свет в мир пришёл есí,/ Свет Святы́й, обраща́й из мра́чна невéдения// véрою воспева́ющия Тя.

Я́ко луч Сóлнца Пра́вды яв́ился есí, священномúчениче Порфирие,/ и страда́ньми тво́ими мглу безбо́жия над Оте́чеством на́шим разсе́ял есí.

Егда́ безбо́жнии тща́хуся сокры́ти тя в темни́це, священномúчениче Порфирие,/ Госпо́дь явí тя исповéдника Своего́ всем концём землí Рýсския.

Рýсския Цёркве светíльниче свящённый Порфирие,/ кровью́ мученическими неугасíмо светя́й и у Престо́ла Бо́жия предсто́яй,/ моли́ся о чту́щих тя.

Богорóдичен: Ё́же от Дéвы неизрече́нно рождéйся, Го́споди,/ сохрани́ моли́твами Ея́ Цёрковь Твою́,/ Тебе́ сла́вящую правосла́вными гласы́.

Песнь 6

Ирмós: Пожру́ Ти со гласом хвалéния, Гóсподи,/ Цérковь вопиéт Ти,/ от бесóвския крóве очíщшися/ рáди мýлости от ребр Тво́их// истéкшею Крóвию.

Воспри́йм меч духо́вный, íже есть глаго́л Бóжий,/ безбóжных кóзни сокруши́л еси́, священномúчениче Порфи́рие,/ и вся разжéнныя стрéлы лука́ваго угаси́л еси́ щито́м вéры Правосла́вныя.

Во священни́цах благочéстно пожíв и мучéния путь терпели́во воспри́йм,/ сугубую мзду на Небесéх обрéл еси́, священномúчениче Порфи́рие,/ идéже ева́нгельски прýсно рáдуешися и весели́шися.

Ничтóже возмо́же разлучи́ти тя, богопри́ятне, от любвé Христóвы:/ ни скорбь, ни гонéние, ни смерть,/ вся бо сия́ сýлою Возлю́блышаго тя Гóспода препобеди́л еси́, священномúчениче.

Богорóдичен: Поём Тя, Предста́тельница тёплая и Засту́пнице христиа́н, Богорóдице Всепéтая,/ я́ко со все́ми святы́ми земли́ Рýсския мо́лиши Сы́на Твоего́ и Бóга на́шего/ обрести́ нам вéлию мýлость.

Конда́к, глас 2:

Восхва́лим, вéрнии,/ изряднаго во священни́цах/ и сла́внаго в мýченицах Порфи́рия,/ Правосла́вия побóрника и благочéстия ревни́теля,/ земли́ Рýсския кра́сное прозябéние,/ íже страда́нием Небесé дости́же/ и та́мо тёпле мо́лит Христа́ Бóга// спасти́ся душáм на́шим.

И́кос:

Красу́йся и лику́й, Цérковь Рýсская,/ я́ко благопло́дная лоза́ священнаго страда́льца израсти́вшая,/ добропобéдным мучéнием сердца́ вéрных укрепившаго,/ за́поведи Госпо́дни испóлнившаго и прýсно ева́нгельски учившаго:/ прииди́те, ча́да, послу́шайте мене́,/ не убо́йтесь от убива́ющих тéло, души́ же не могу́щих уби́ти,/ убо́йтесь же па́че могу́щаго ду́шу и тéло погуби́ти в геéнне./ Тёмже, священномúчениче Порфи́рие, моли́ Христа́ Бóга спасти́ся душáм на́шим.

Песнь 7

Ирмос: В пещи авраамстии отроцы персидстей,/ любовию
благочестия паче,/ нежели пламенем, опаляеми, взываху:// благословен
еси в храме славы Твоея, Господи.

Яко трие отроцы, в пещи вавилонстей пламенем объятии, молитвою
не старяху,/ тако ты, священномучениче Порфирие, во огни мучений
благодатию веру сохранил еси./ Сего ради ныне с новомученики
Российскими ликуеши:/ благословен еси, Боже отцев земли наша.

Якоже древле отроцы, в пещи неопалееми, златому истукану не
поклоняшася,/ тако же и ты, священномучениче Порфирие, огнем
мучений неопалеемь,/ безбожие неоязненно обличал еси, взывая с
новомученики Российскими:/ благословен еси, Боже отцев земли наша.

Жертву живую и всесожжение Творцу себе самого принося,
священномучениче Порфирие,/ с новомученики Российскими воспевал
еси:/ могущи, покаяйтесь, яко с нами Бог отцев земли наша.

Богородичен: Яже паче ума и естества Бога рождши,
Неискусомужная Марие,/ чтущия Тя от враг видимых и невидимых
избави,/ Ты бо еси земли отцев наших Держава необоримая.

Песнь 8

Ирмос: Руце распростер, Даниил/ львов зияния в рове затче;/
огненную же силу угасиша,/ добродетелию препоясавшеся,/ благочестия
рачители отроцы, взывюще:// благословите, вся дела Господня,
Господа.

Землю Русскую, безбожными гонении нещадно жегомую,/ слезами
и кровью твоими напоил еси, священномучениче Порфирие,/ сего ради
плоды веры, чада церковная, возрастил еси.

Злобы мучителей не убоялся еси,/ огнем любви Божественныя твоя
препобедив,/ темже благодать молиться о нас стяжал еси,
священномучениче Порфирие, достохвальне.

Благословляя гонителей твоих, блаженне Порфирие,/ усердно
молился еси за них,/ да покаются и купно с верными братьями
благословят Господа.

Богорóдичен: Христá зрящи умерщвляема, Многопéтая Влады́чица,/ и вíдящи исполнénие Сímeонова проречénия, слезя́щи взыва́ше:/ благословén еси́, Бóже, во вéки.

Песнь 9

Ирмóс: Кáмень неруко́сечный/ от несекóмыя горы́, Тебé, Дéво,/ краеуго́льный отсечéся,/ Христóс, совокупíвый разстоя́щаяся естества́.// Тем, веселя́щаяся, Тя, Богорóдице, велича́ем.

Рука́ми беззако́нных убиén,/ жéртва благоприя́тная и во́льное зако́ление Бóгу принéслся еси́, свѣ́тче Бóжий Порфи́рие./ Тем благодарне па́мять твою́ почита́ем.

Госпо́дь, исполня́я смотре́ние Своё́ о Цérкви Рýсстей,/ заступника́ ты, священномúчениче Порфи́рие, соде́ла./ Тёмже моли́ся Емú, во благочéстии нам пребывáти и спаст́ися душáм нáшим.

О бéдна блага́сти Бóжия!/ Даровá бо Бог возлю́бленным Сво́им вéры ráди пострадáти/ и ты, священномúчениче Порфи́рие,/ я́ко плод крáсный спасíteльнаго сéяния, избрá от земли́ Рýсския.

Богорóдичен: Разорí советы́ вся, на ны воору́женные, Мáти Бóга Вы́шняго,/ и рáдости испóлни упова́ющия на Тя,/ да усérдно вси Твоё́ проповéдуем заступле́ние.

Светíлен:

Па́ству хлéбом сло́ва Бóжия насыща́я/ и вино́м премúдрости свяще́нная напо́яя,/ тепло́ю любвё́ твоея́ да́ры сия́ растворíл еси́, священномúчениче Порфи́рие./ И нýне вы́соким проповéданием вещáеши ча́дом Цérкве Рýсския:/ приступíte ко Гóсподу, и просветíteся,/ и ли́ца ва́ша не постыд́ятся.

Сла́ва, и нýне, Богорóдичен:

О Тебé мы хва́лимся, Богородíteльнице,/ и к Бóгу Тя ймамы́ Предста́тельство,/ простри́ ру́ку Твою́ необори́мую/ и сокруши́ враги́ Цérкве Рýсския.

На хвалітех стихіры, глас 4.

Дал есі зна́мение/ земли́ Ру́сстей, Го́споди,/ священномученика,
уго́дника Твоего́, Порфи́рия,/ я́ко да тем умоле́н быва́я,/ отврати́ши
пра́ведный Твой гнев,/ и не поги́бнет свята́я/ и боголюбі́вая Русь//
предста́тельством но́ваго страсоте́рпца.

Же́ртву хвале́ния/ прі́сно Го́сподеви прино́ся,/ священномучени́че
Порфи́рие,/ в ко́нєц сама́го себѣ/ в же́ртву жи́ву и свя́ту,/ благоуго́дну и
соверше́нну предста́вил есі́,/ те́мже ти ве́рно вопи́ем:/ благоприя́тны
сотво́ри моли́твы на́ша// о благосто́янии Це́ркве Ру́сская.

Предста́телю Це́ркве Ру́сская,/ священномучени́че Порфи́рие
всехва́льне,/ вы́ну зря́й Лице́ Го́спода на Небесе́х,/ не прѣ́зри ни еди́наго/
от ма́лых чад ея́,/ но ра́достно покая́ние на́ше приими́/ и моли́ прі́сно//
сыно́вом Росси́йским спасти́ся.

Сла́ва, глас 8.

О, пресла́внаго чудесе́!/ Я́ко крин посреде́ те́рния,/ в страда́ниих за
Хри́ста процве́л есі́, священномучени́че Порфи́рие,/ да не затми́тся в
землі́ на́шей свет Правосла́вия/ во открове́ние язы́ком и сла́ву наро́да
Ру́сского./ И ны́не, в селе́ниих ра́йских пребыва́я,/ неувяда́емо
благоуха́еши// ве́ре твоёй подража́ющим.

И ны́не, глас и подóбен то́йже:

О, пресла́внаго чудесе́!/ Небесе́ и земли́ Цари́ца,/ от святы́х
сродни́ков на́ших умоля́емая,/ до ны́не зе́млю Ру́сскую покрыва́ет/ и ли́ка
Своего́ изображе́нии ми́лостивно обогаща́ет./ О Влады́чице Держа́вная!
Не престáни и на бу́дущее вре́мя/ во утвержде́ние на Руси́ Правосла́вия//
ми́лости и чудеса́ изливáти до ве́ка. Ами́нь.

Славосло́вие вели́кое. И отпу́ст.

НА ЛИТУРГИИ

Блаже́нна от канóна, пѣснь 3-я и 6-я.

Прокі́мен, глас 7: Честна́ пред Го́сподем// смерть преподо́бных Его́.
Стих: Что возда́м Го́сподеви о всех, я́же воздаде́ ми?

Апóстол к Рі́мляном, зача́ло 99.

Аллилу́ия, глас 2: Священни́цы Твои́ облеку́тся в правду, и преподо́бнии Твои́ возра́дуются. Стих: Бог нам Прибе́жище и Си́ла, Помо́щник в ско́рбех, обрѣ́тших ны зело́.

Ева́нгелие от Луки́, зача́ло 106. Конѣц: В терпе́нии ва́шем стяжи́те душа́ ва́ша.

Прича́стен: В па́мять ве́чную бу́дет пра́ведник:

Моли́тва

О избра́нниче и уго́дниче Христо́в, священномучени́че Порфи́рие, Це́ркве Ру́сския сто́лпе непоколеби́мый, земли́ на́шей благо́е прозябе́ние и кра́сный плод, сродни́ков твои́х предста́телю и наста́вниче! Ты во вре́мя гоне́ния безбо́жнаго от сокро́вищницы душі́ твоея́ спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я и лю́тыя во́лки далѣче отгона́я. Ны́не у́бо при́зри на нас, недосто́йных чад твои́х, умилѣ́нною душе́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша и изба́вит от а́довых уз и ве́чнаго муче́ния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церко́вныя. Бу́ди па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утѣшитель, гони́мым засту́пник, ю́ным наста́вник, всем же благосе́рдый оте́ц и те́плый моли́твенник, я́ко да моли́твами твои́ми соблюде́тся в Правосла́вии Свята́я Русь и непреста́нно сла́вится в ней и́мя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.